

135 Bann þetta er miðað við ósviðna hausa og fætur, ristla og ristlamör, ósaltaðar 27. júní garnir og enn fremur ósaltaðar gærur.

10. gr.

Við slátrun í sláturhúsum eða heimaslátrun sauðfjár og nautgripa, sem sýkt er af garnaveiki eða grunur um að geti verið sýkt, skal gæta þess að úrgangur frá slátruninni valdi ekki smithættu.

Allan slíkan úrgang, sem hægt er að hafa hönd á, skal grafa, brenna eða sjóða, og vandleg hreinsun fara fram á slátrunarstað.

11. gr.

Bannað er að flytja hey úr sveitum eða af bæjum, þar sem garnaveiki hefur orðið vart til staða, þar sem garnaveiki hefur ekki gert vart við sig, nema sérstakt leyfi sauðfjársjúkdómanefndar komi til í hvert sinn.

Nefndin getur ákveðið algert bann á slíkum flutningum, um lengri eða skemmri tíma, af tilteknum svæðum yfir vissar varnarlinur.

12. gr.

Yfirumsjón framkvæmda samkvæmt reglugerð þessari skal vera í höndum sauðfjársjúkdómanefndar. Annast hún þær í samráði við landbúnaðarráðherra og í samræmi við ákvæði í gildandi lögum um varnir gegn útbreiðslu næmra sauðfjársjúkdóma.

13. gr.

Brot gegn reglugerð þessari varða sektum allt að 10 000 krónum, eða fangelsi, og skal með mál út af slíkum brotum farið sem almenn lögreglumál.

Reglugerð þessi, sem er sett samkvæmt lögum nr. 44 frá 9. maí 1947, um varnir gegn útbreiðslu næmra sauðfjársjúkdóma og útrýmingu þeirra, til að öðlast gildi þegar í stað, birtist hér með til eftirbreytni öllum þeim, sem hlut eiga að máli.

Reglugerð nr. 78 frá 12. maí 1946, um varnir gegn útbreiðslu garnaveiki í nautgripum og af völdum þeirra, er um leið úr gildi numin.

Landbúnaðarráðuneytið, 27. júní 1952.

Hermann Jónasson.

Árni G. Eylands.

136

30. júní

SAMÞYKKT

fyrir Veiðifélagið Hængur.

1. gr.

Félagið heitir: Veiðifélagið Hængur. Heimili þess og varnarþing er heimili formanns.

2. gr.

Verkefni félagsins er:

- Að auka og vernda fiskigengd á félagssvæðinu, með þeim ráðum, sem henta á hverjum tíma;
- að stunda sameiginlega veiði eða leigja vatnasvæðið allt eða hluta þess til stangarveiði.

3. gr.

Félagið nær til allra jarða, sem land eiga að ytri Laxá í Húnavatnssýslu frá ósi til upptaka, og Norðurá frá því hún fellur í Laxá að Fossi í Gálgagili, en þær eru þessar:

Höskuldsstaðir, Syðri-Hóll (með Kollugerði), Njálstaðir, Skrapatunga, Bala-skarð, Mánaskál, Núpur, Núpsöxl, Kirkjuskarð, Sneis, Vesturá, Refsstaðir, Kárahlíð, Eyrarland, Tungubakki, Illugastaðir, Úlfagil, Mýrarkot, Neðri-Mýrar, Efri-Mýrar, Neðri-Lækjardalur, Neðstibær, Kirkjubær, Skúfur, Þverá, Hvammhlíð, Höskuldsstaðasel, Skrapatunguafreitt og Barð.

4. gr.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.

5. gr.

Heimilt er félagsstjórninni að leigja veiði á félagssvæðinu einstökum mönnum, eða félögum; þó má slíkt leyfi ekki vera nema til eins árs í senn, nema lögmætur fundur samþykki og tekið hafi verið fram í fundarboði, að slíkt veiðileyfi verði til umræðu.

6. gr.

Stjórn félagsins skipa þrír menn, formaður og tveir meðstjórnendur, og jafn-margir til vara. Skulu þeir kosnir á aðalfundi til þriggja ára í senn. Ganga þeir úr stjórninni á vixl, þannig að formaður gengur út eftir eitt ár, annar meðstjórnandinn eftir tvö ár og hinn eftir þrjú ár, og helzt svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli eða hann hafi verið þrjú ár í stjórn. Tvo endurskoðendur skal kjósa til tveggja ára í senn, þannig að annar endurskoðandinn gangi úr annað árið en hinn hitt. Tvo vara-endurskoðendur skal kjósa á sama hátt.

7. gr.

Stjórn félagsins hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknuð fyrir.

Formaður er fulltrúi félagsins út á við og hefur umsjón með öllum störfum félagsins og fjárreiðum.

Á aðalfundi ræður afl atkvæða úrslitum, nema um breytingar á samþykktum félagsins og gjaldskrá. Ef jöfn eru atkvæði ræður atkvæði formanns úrslitum.

8. gr.

Aðalfund heldur félagið ekki síðar en í maímánuði ár hvert. Aðalfundur skal boðaður skriflega með minnst viku fyrirvara, og sé fundarefnis getið í fundarboðinu.

Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá.

9. gr.

Aukafund heldur stjórnin, þegar henni þykir ástæða til eða ef $\frac{1}{4}$ félagsmanna æskir þess, og tilgreinir fundarefni.

10. gr.

Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, gjaldskrá, fundargerðir og bréf.

136

30. júní

11. gr.

Arði af sameiginlegri veiði skal skipt niður á félagsmenn samkvæmt arðskrá, sem lögmætur fundur hefur samþykkt og undirrituð er af að minnsta kosti $\frac{2}{3}$ félagsmanna. Gildir hún til 5 ára. Félagsmenn greiði gjöld til félagsins í sömu hlutföllum og þeir taka arð.

12. gr.

Brot á samþykkt þessari varðar sektum frá 300 kr., og skal sektarféð renna í sýslusjóð. Fara skal með mál út af brotum sem almenn lögreglumál.

13. gr.

Samþykkt félagsins verður ekki breytt nema með samþykki $\frac{2}{3}$ félagsmanna.

14. gr.

Félaginu má slíta, ef $\frac{2}{3}$ félagsmanna samþykkja það á tveimur lögmætum félagsfundum í röð, sem boðaðir séu í þeim eina tilgangi, og skal ekki líða skemmra milli funda en mánaðartími.

Bráðabirgðaákvæði.

Meðan samningar hafa ekki verið gerðir við umráðamenn árinna neðan fossanna (þ. e. þar sem áin nú er laxgeng) er sá hluti árinna ekki talinn til félagssvæðisins, þrátt fyrir orðalag upphafs 3. gr.

Samþykkt þessi staðfestist hér með samkvæmt lögum nr. 112 9. október 1941, til að öðlast gildi þegar í stað, og birtist til eftirbreytni öllum þeim, sem hlut eiga að máli.

Landbúnaðarráðuneytið, 30. júní 1952.

Hermann Jónasson.

Árni G. Eylands.

137

30. júní

Staðfesting handhafa forsetavaldsins á skipulagsskrá fyrir „Minningarsjóð Herðisar Jónsdóttur og foreldra hennar, Klöpp á Akranesi“, útgefin á venjulegan hátt að mandatum af dómsmálaráðherra 30. júní 1952.

Skipulagsskráin er þannig:

SKIPULAGSSKRÁ

fyrir Minningarsjóð Herðisar Jónsdóttur og foreldra hennar, Klöpp á Akranesi.

1. gr.

Sjóðurinn heitir: Minningarsjóður Herðisar Jónsdóttur og foreldra hennar.

2. gr.

Stofnfé sjóðsins er kr. 2443.12 — tvö þúsund fjögur hundruð fjörutíu og þrjár krónur og tólf aurar — ánafnað Sjúkrahúsi Akraness af móður Herðisar, Valgerði Helgadóttur, og nú til varðveislu í Sparisjóði Akraness.

3. gr.

Sjóður þessi ávaxtast í B-deild Söfnunarsjóðs Íslands. Leggja skal alla vextina við höfuðstólinn, þar til sjóðurinn er orðinn kr. 10 000 — tíu þúsund krónur —, þá